

2. Hanyuranyijwe n'ibivugwa mu ngingo ya 12 y'iri teka,abayobozi b'amagare na velomoteri bashobora Kugenda

mu muhanda babangikanye .ariko rero bagomba kugenda bashoreranye mu nsisiro kimwe n'iyo bwije n'iyo bagiyegehura n'ikinyabiziga kigendeshwa na moteri cyangwa n'ikinyabiziga gikururwa n'inyamaswa.

5. Abayobozi ba velomoteri n'amapikipiki n'ababihetsweho bagomba kwambara ingofero yo kubarinda yabigenewe ku buryo bw'umwihariko .iyo ngofero igomba kuba ifunze kuburyo bufashe .
6. Abayobozi ba velomoteri amapikipiki n'amagare bagomba kuyobora ikinyabiziga cyabo bacyicayeho kandi bakaba batwara umuntu hakurikijwe amabwiriza y'uwigikoze.
7. abayobozi b'amagare na vero moteri bubahiriza amategeko agenga abanyamaguru iyo bayoboze ikinyabiziga cyabo batacayeho.
8. ibivugwa muri iyi ngingo ntibireba abasirikari bagenda kumurongo kimwe n'abarushanwa kwihuta babifitiye uruhusha nkuko biteganywa n'ingingo ya 39

2.2.6.ICYICIRO CYA VI : Inyamaswa .

Ingingo ya 54 :

1. Umuyobozi w'inyamaswa zikurura,izikorera ibintu cyangwa izo bagenderaho kimwe n'uwo amatungo agomba ,bibaye ngombwa , kubifashwamo n'umubare uhagije w'abaherekeza be kugira ngo hubahirizwe umutekano mu muhanda ,ibyongwe byose kandi uwo mubare ntushobora kujya muni y'umuherekeza umwe ku nyamaswa umunani .
2. Iyo igenda mu nzira imikumbi hagomba kugabanywamo udutsiko tugizwe ***n'inyamaswa zitarenze icumi kandi dutandukanyijwe n'intera ya metero 20.***
3. Birabujijwe kubyagiza imikumbi y'inyamaswa mu nzira nyabagendwa .

Ingingo ya 55 :

1. Mu nsisiro, birabujijwe gukinagiza inyamaswa zikurura, izikorera ibintu cyangwa izo bagenderaho kimwe n'amatungo .
2. Birabujijwe kubyagiza inyamaswa zikurura, izikorera ibintu cyangwa izo bagenderaho n'amatungo munzira nyabagendwa.

2.2.7. ICYICIRO CYA VII: Uburyo bwo kugenda mu byambu no ku bibuga by'indege

Ingingo ya 56:

3. Amategeko ntayegayezwa cyangwa atihutirwa ashyirwaho na Perezida.

Hashobora gushyirwaho amategeko yihariye kugirango bahagarike cyangwa bahindure ugukurikiza iri teka ku byerekeye kugenda mu mbago z'ibyambu n'iz'ibibuga by'indege .

Ubundi amategeko yihariye ashyirwaho na Perefesi kandi ntashobora kumara igihe kirenze amezi atatu.(3)

Ingingo ya 56 bis :

Ku muhanda y'uturere dufite aho binjirira harangwa n'ikimenyetso E,9 kiri hejuru y'ikimenyetso E,19 bis ibinyabiziga bisanzwe bigenewe gutwara abantu bishyura amafaranga kandi bishobora gutwara abantu barenze batanu bicaye,uretse ibinyabiziga bya Leta bitwara abantu muri rusange ,bishobora guhagarara bishyiramo cyangwa bikuramo abantu cyangwa ibintu ahantu harangwa n'ikimenyetso E,19 kandi mu ntera zitarenze metero icumi ku mpande z'icyo kimenyetso.